

CONVOCATORIA PARA O ESTABLECEMENTO DUNHA SEGUNDA LISTAXE DE PRELACIÓN PARA A EXECUCIÓN DA OFERTA DE EMPREGO PÚBLICO DO ANO 2021 EN RELACIÓN Á CONVOCATORIA DE PRAZAS DE PROFESOR/A TITULAR DE UNIVERSIDADE E DE PRAZAS DE PROFESOR/A CONTRATADO/A DOUTOR/A

O Consello de Goberno do 25/02/2021 aprobou a Oferta de Emprego Público (OEP) de PDI do ano 2021 (DOG de 16 de marzo de 2021). Tras a convocatoria ordinaria para o establecemento dunha listaxe de prelación para a súa execución en relación á convocatoria de prazas de Catedrático/a e de Titular de Universidade, procede continuar coa execución de prazas autorizadas.

O Regulamento polo que se establecen os criterios para o desenvolvemento das ofertas de emprego público (aprobado en Consello de Goberno do 27/04/2017 e modificado nos do 28/02/2018, do 27/02/2019 e do 25/02/2021) establece os criterios que regulan como se configura a prelación de áreas para as convocatorias de prazas de Titular de Universidade e de Profesor/ Contratado/a Doutor/a correspondentes a cada OEP.

A disposición adicional primeira do regulamento mencionado, habilita á Vicerreitoría de Profesorado e Planificación Docente para realizar unha segunda convocatoria anual no caso de que as prazas de Titular de Universidade solicitadas non cubran todas as prazas ofertadas na OEP, co fin de que o profesorado Axudante Doutor interesado en acceder ao corpo de Titulares de Universidade, solicite a creación dunha praza na súa área de coñecemento. De igual xeito procederase co profesorado Axudante Doutor, interesado na convocatoria dunha praza de Profesor/ Contratado/a Doutor/a na súa área de coñecemento. En virtude desa habilitación resólvese realizar a presente convocatoria de acordo coas seguintes bases.

Bases da convocatoria

1. Normas xerais

O obxectivo desta convocatoria é establecer as áreas de coñecemento nas que se realizará a convocatoria pública dos concursos de acceso ao corpo de Profesores/as Titulares de Universidade (**6 prazas**) e a selección das **6 prazas** de Profesor/a Contratado/a Doutor/a reservadas para esta convocatoria, correspondentes á Oferta de Emprego Público do ano 2021 de Persoal Docente e Investigador da Universidade da Coruña, aprobada polo Consello de Goberno do 25/02/2021 (DOG de 16 de marzo de 2021). As persoas candidatas poderán solicitar a convocatoria dunha praza pertencente á reserva para persoal investigador doutor de programas de excelencia con certificado I3 en calquera das figuras previstas nesta convocatoria, que computará sempre dentro do límite de prazas indicadas. As persoas candidatas poderán solicitar a convocatoria dunha praza en cada unha das figuras previstas nesta convocatoria, pero soamente poderá ser incluída na proposta final a solicitude de maior categoría.

Este procedemento rexeráse polo Regulamento polo que se establecen os criterios para o desenvolvemento das Ofertas de Emprego Público (OEP) de persoal docente e investigador da Universidade da Coruña (aprobado por acordo do Consello de Goberno do 27/04/2017 e modificado nos do 28/02/2018, do 27/02/2019 e do 25/02/2021), a Lei 39/2015, de 1 de outubro, do procedemento administrativo común das administracións públicas, os Estatutos da Universidade da Coruña e, no non previsto, pola lexislación xeral da función pública do Estado.

Código Seguro De Verificación	Xk1cM+nYicQ9t3sIicU3MA==	Estado	Data e hora
Asinado Por	Alberto Valderruten Vidal - Vicerr. de Profesorado e Planificación Docente	Asinado	14/04/2021 10:23:38
Observacións		Páxina	1/6
Url De Verificación	https://sede.udc.gal/services/validation/Xk1cM+nYicQ9t3sIicU3MA==		



2. Requisitos das persoas candidatas

Para ser admitido/a no presente procedemento, os/as aspirantes que pretendan optar a que se convoque na súa área de coñecemento unha das prazas de Titular de Universidade ou de Profesor/a Contratado/a Doutor/a deberán reunir os seguintes requisitos na data de finalización do prazo de presentación de solicitudes:

- Estar contratado/a pola Universidade da Coruña coa categoría de Axudante Doutor/a
- Estar en posesión da acreditación nacional para o acceso ao corpo de Profesores/as Titulares de Universidade ou da avaliación positiva para Profesor/a Contratado/a Doutor/a.

3. Solicitudes

As solicitudes para participar axustaranse ao modelo que figura como anexo I desta convocatoria e dirixiranse ao vicerreitor de Profesorado e Planificación Docente da Universidade da Coruña. Os/as interesados/as autorizan á Universidade da Coruña a publicar, só para os efectos desta convocatoria, os datos relativos a súa antigüidade como Persoal Docente e Investigador na Universidade da Coruña e da data na que se acadou a acreditación nacional ao corpo de Profesores/as Titulares de Universidade ou avaliación positiva para Profesor/a Contratado/a Doutor/a.

O prazo para a presentación de solicitudes será de **10 días hábiles** contados dende o día seguinte á publicación desta convocatoria na Sede Electrónica da UDC. Atendendo ao disposto no artigo 14.4 da Lei 39/2015, de 2 de outubro, o/a interesado/a deberá presentar a súa solicitude exclusivamente a través do rexistro electrónico da Sede Electrónica da UDC:

https://sede.udc.gal/services/telematic_register

Coa instancia achegarase necesariamente unha copia simple do certificado de Acreditación Nacional ao corpo de Profesores/as Titulares de Universidade expedido polo Consello de Universidades ou da notificación da ANECA do resultado favorable da solicitude de acreditación ou da avaliación positiva para Profesor/a Contratado/a Doutor/a asinada polo presidente da CGIACA no caso de acreditación pola ACSUG ou a data de efectos que se recolle na resolución do Ministerio de Educación, Cultura e Deporte no caso de acreditación pola ANECA. No caso de optar por unha praza da reserva para persoal investigador doutor de programas de excelencia con certificado I3, achegarase ademais unha copia dese certificado e acreditación de haber sido investigador/a doutor/a que finalizase o Programa Ramón y Cajal ou un programa de excelencia, nacional ou internacional recoñecido pola Secretaría General de Universidades, entre os que están os seguintes¹:

- Programa Marie Curie Fellowships (Unión Europea)
- Programas ERC Grants (Unión Europea)
- Programa Juan de la Cierva (extinto, convocatorias entre 2004-13)
- Programa Juan de la Cierva-incorporación (convocatorias 2014-actualidade)
- Programa «Miguel Servet» (Instituto de Salud Carlos III)
- Programa ICREA Senior e Programa Serra Hunter (Cataluña)

1

Poderán admitirse solicitudes de investigadores que cursaran un programa non recollido na listaxe anterior sempre e cando o programa fora recoñecido pola Secretaría General de Universidades

Código Seguro De Verificación	Xk1cM+nYicQ9t3sIicU3MA==			Estado	Data e hora
Asinado Por	Alberto Valderruten Vidal - Vicerr. de Profesorado e Planificación Docente			Asinado	14/04/2021 10:23:38
Observacións				Páxina	2/6
Url De Verificación	https://sede.udc.gal/services/validation/Xk1cM+nYicQ9t3sIicU3MA==				



- Programa ARAID (Aragón)
- Programa de Atracción de Talento-Modalidad 1-(Madrid)
- Plan GenT-Modalidad 1 (Comunidade Valenciana)
- Programas Ikerbasque (Fellows, Associates y Professors) (País Vasco)
- Programa Talentia Senior (extinto) e Programa Emergia (Andalucía).
- Programa Isidro Parga Pondal (extinto) (Galicia).

4. Admisión de aspirantes

Finalizado o prazo de presentación de solicitudes, o vicerreitor de Profesorado e Planificación Docente ditará unha resolución aprobando a prelación provisional de persoas admitidas e excluídas que solicitaron a convocatoria na súa área de coñecemento dunha praza de Titular de Universidade ou de Profesor/a Contratado/a Doutor/a. Esta relación publicárase na Sede Electrónica da UDC.

A Vicerreitoría de Profesorado e Planificación Docente comunicará a todas as persoas que presentaran unha solicitude, empregando o correo persoal institucional da UDC, a prelación provisional na que se incluírán os datos relativos á antigüidade como Persoal Docente e Investigador na Universidade da Coruña e á data na que se acadou a acreditación nacional ao corpo de Profesores/as Titulares de Universidade.

Contra dita resolución as persoas interesadas poderán presentar reclamación ante o vicerreitor de Profesorado e Planificación Docente, no prazo de **5 días hábiles** a contar dende o día seguinte ao da súa publicación na Sede Electrónica da UDC.

Unha vez resoltas as posibles reclamacións, comunicárase polos mesmos medios a prelación definitiva das persoas candidatas.

5. Criterios para o establecemento da prelación para as prazas de Titular de Universidade

Coas solicitudes que cumpran os requisitos de participación, a vicerreitoría realizará a prelación correspondente tendo en conta os seguintes criterios:

- A primeira orde establecerase tendo en conta a data da resolución que consta no Certificado de Acreditación Nacional do Consello de Universidades que é o mesmo que o da data de reunión da Comisión de Acreditación correspondente segundo a rama de coñecemento. Nas acreditacións emitidas trala entrada en vigor do Real Decreto 415/2015, terase en conta a data da resolución da Comisión de Acreditación. Terán prioridade as persoas candidatas que teñan unha acreditación máis antiga.
- No caso de empate na data de acreditación, terán prioridade as persoas candidatas que contén con maior antigüidade como Persoal Docente na Universidade da Coruña.

Para establecer a antigüidade na UDC sumaranse todos os períodos no que o/a docente tivese vinculación funcional, administrativa ou laboral coa UDC dentro das figuras docentes (tanto dos corpos docentes universitarios como das categorías de persoal docente laboral ou administrativo) establecidas nas leis que veñen regulando a Universidade española, e que así estean recoñecidas no seu expediente persoal que consta no Servizo de PDI. Inclúese a antigüidade como persoal docente recoñecida en aplicación do Decreto 3/1990, do 11 de xaneiro de segregación de centros e servizos da Universidade de Santiago de Compostela con todos os seus medios materiais e humanos e da súa integración nas novas Universidades da Coruña e Vigo (DOG do 24/01/1990), do Decreto 444/2003, do 18 de decembro, de traspaso do Instituto

Código Seguro De Verificación	Xk1cM+nYicQ9t3sIicU3MA==			Estado	Data e hora
Asinado Por	Alberto Valderruten Vidal - Vicerr. de Profesorado e Planificación Docente			Asinado	14/04/2021 10:23:38
Observacións				Páxina	3/6
Url De Verificación	https://sede.udc.gal/services/validation/Xk1cM+nYicQ9t3sIicU3MA==				



Nacional de Educación Física de Galicia (INEFG) á Universidade da Coruña (DOG 24/12/2003) e a antigüidade recoñecida no seu expediente persoal nos programas de formación postdoutoral. Non se incluírán os períodos que poidan existir en calquera figura de persoal investigador en formación.

O resultado da antigüidade expresarase en anos, meses e días en relación a data de finalización de presentación de solicitudes. No caso de empate terá prioridade o primeiro en acceder a un dos corpos ou categorías.

6. Criterios para o establecemento da prelación para as prazas de Profesor/a Contratado/a Doutor/a:

Coas solicitudes que cumpran os requisitos de participación, a vicerreitoría realizará a prelación correspondente tendo en conta a suma das seguintes valoracións:

- Antigüidade como acreditado/a a Profesor/a Titular de Universidade ou antigüidade na avaliación positiva para Profesor/a Contratado/a Doutor/a a 1 de xaneiro do ano de aprobación da OEP 2021: 1 punto por ano completo, as fraccións de ano valoraranse de forma proporcional. Máximo: 6 puntos.

Tomarase como referencia a data da resolución de avaliación positiva asinada polo presidente da CGIACA no caso de acreditación pola ACSUG ou a data de efectos que se recolle na resolución do Ministerio de Educación, Cultura e Deporte no caso de acreditación pola ANECA. No caso de acreditación a Titular de Universidade tomarase como referencia a data da resolución que consta no Certificado de Acreditación Nacional do Consello de Universidades.

- Antigüidade como Persoal Docente na UDC, a 1 de xaneiro do ano de aprobación da OEP: 1 punto por ano completo, as fraccións de ano valoraranse de forma proporcional. Máximo: 8 puntos.

Tomarase en consideración os mesmos períodos indicados no criterio de antigüidade para as prazas de Titular de Universidade.

- No caso de empate na suma das puntuacións anteriores, terá prioridade aquel/a profesor/a que primeiro remate o seu contrato como Axudante Doutor/a.

7. Norma final

O resultado desta convocatoria comunicarase aos departamentos aos que se adscriben as áreas de coñecemento seleccionadas, para que realicen os trámites correspondentes sobre a convocatoria das prazas.

O vicerreitor de Profesorado e Planificación Docente informará ao Consello de Goberno do desenvolvemento desta convocatoria.

8. Protección de datos de carácter persoal

De conformidade coa Lei orgánica 3/2018, de 5 de decembro, de Protección de Datos Persoais e garantía dos dereitos dixitais, os datos recollidos neste procedemento serán tratados pola UDC para a xestión da execución da oferta de emprego público do ano 2021 do persoal docente e investigador da Universidade da Coruña.

O órgano responsable do devandito tratamento é a Secretaría Xeral ante a que se poden exercer os dereitos de acceso, rectificación, supresión, limitación de tratamento oposición e portabilidade, na Reitoría da UDC; rúa Maestranza, 9, 15001 A Coruña, mail: rpd@udc.gal, teléfono 881011161.

Código Seguro De Verificación	Xk1cM+nYicQ9t3sIicU3MA==		Estado	Data e hora
Asinado Por	Alberto Valderruten Vidal - Vicerr. de Profesorado e Planificación Docente		Asinado	14/04/2021 10:23:38
Observacións			Páxina	4/6
Url De Verificación	https://sede.udc.gal/services/validation/Xk1cM+nYicQ9t3sIicU3MA==			



O correo da Delegada de Protección de Datos da UDC é dpd@udc.gal

A base de xustificación deste tratamento é a realización de funcións administrativas como consecuencia da prestación do servizo de educación superior (Lei Orgánica de Universidades e na Lei autonómica 6/2013, do Sistema Universitario de Galicia).

Poderanse ceder datos a administracións públicas con competencias na materia, e nos supostos de obrigacións legais.

As persoas interesadas poden exercer os dereitos de acceso, rectificación, supresión, limitación de tratamento, oposición e portabilidade a través da Sede Electrónica da UDC.

Tamén poden dirixirse á Axencia Española de Protección de Datos para realizar a reclamación que consideren oportuna.

9. Recursos

Contra a presente convocatoria, de conformidade co disposto nos art. 121 e 122 da Lei 39/2015, de 1 de outubro, do Procedemento Administrativo Común das Administracións Públicas, poderá o/a interesado interpoñer recurso de alzada ante o reitor da Universidade da Coruña, no prazo dun mes, contado dende o día seguinte ao da súa publicación na Sede Electrónica da Universidade da Coruña

A Coruña
O vicerreitor de Profesorado e Planificación Docente
Alberto Valderruten Vidal

Código Seguro De Verificación	Xk1cM+nYicQ9t3sIicU3MA==	Estado	Data e hora
Asinado Por	Alberto Valderruten Vidal - Vicerr. de Profesorado e Planificación Docente	Asinado	14/04/2021 10:23:38
Observacións		Páxina	5/6
Url De Verificación	https://sede.udc.gal/services/validation/Xk1cM+nYicQ9t3sIicU3MA==		



ANEXO I

SOLICITUDE DE PARTICIPACIÓN NA CONVOCATORIA PARA O ESTABLECIMENTO DUNHA SEGUNDA LISTAXE DE PRELACIÓN PARA A EXECUCIÓN DA OFERTA DE EMPREGO PÚBLICO DO ANO 2021 EN RELACIÓN Á CONVOCATORIA DE PRAZAS DE PROFESOR/A TITULAR DE UNIVERSIDADE E PROFESOR/A CONTRATADO/A DOUTOR/A

1. DATOS IDENTIFICATIVOS DA SOLICITUDE

APELIDOS, NOME DO/A PROFESOR/A :	DNI:
CATEGORÍA :	
AXUDANTE DOUTOR/A	
DATA DA ACREDITACIÓN NACIONAL:	
DEPARTAMENTO:	
ÁREA DE COÑECEMENTO:	

2. SOLICITUDE

Solicito a convocatoria dunha praza de:

☐ Titular de Universidade

☐ Contratado/a Doutor/a

☐ Conto con certificado I3 e acredito ter sido investigador/a doutor/a que finalizou o Programa Ramón y Cajal ou un programa de excelencia, nacional ou internacional, e, de ser o caso resolución de equiparación emitido pola Secretaría General de Universidades.

Segundo as disposicións contidas no Regulamento polo que se establecen os criterios para o desenvolvemento das Ofertas de Emprego Público (OEP) de persoal docente e investigador da Universidade da Coruña (aprobado por acordo do Consello de Goberno do 27/04/2017 e modificado nos do 28/02/2018, do 27/02/2019 e do 25/02/2021).

Xunto con esta solicitude achégase a seguinte documentación:

☐ Copia simple do certificado de Acreditación ao corpo de Titulares de Universidade expedido polo Consello de Universidades ou notificación da ANECA do resultado favorable da solicitude de acreditación ou copia simple do certificado de acreditación a Profesor/a Contratado/a Doutor/a

☐ Certificado I3 e acreditación de ter sido investigador/a doutor/a que finalizase o Programa Ramón y Cajal ou un programa de excelencia, nacional ou internacional.

☐ Autorizo á Universidade da Coruña a publicar, só para os efectos desta convocatoria, os datos relativos á miña antigüidade como Persoal Docente e Investigador na Universidade da Coruña e da data na que se acadou a acreditación nacional ao corpo Titulares de Universidade ou Profesor/a Contratado/a Doutor/a

A Coruña/Ferrol, ____ de ____ de 2021

Sinatura

SR. VICERREITOR DE PROFESORADO E PLANIFICACIÓN DOCENTE DA
UNIVERSIDADE DA CORUÑA

Código Seguro De Verificación	Xk1cM+nYicQ9t3sIicU3MA==		Estado	Data e hora
Asinado Por	Alberto Valderruten Vidal - Vicerr. de Profesorado e Planificación Docente		Asinado	14/04/2021 10:23:38
Observacións			Páxina	6/6
Url De Verificación	https://sede.udc.gal/services/validation/Xk1cM+nYicQ9t3sIicU3MA==			

